

Morning Regional Dogri News Bulletin, 14th Feb, 2025

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होरें अमरीका दे राष्ट्रपति डोनाल्ड ट्रंप हुंदे कन्नै दपक्खी गल्लबात कीती, आतंकवाद ते बन्ने पारा आले खतरें दे खात्मे लेई सांझेदारी गी मजबूती देने दी गल्ल कीती।
2. उपराज्यपाल मनोज सिन्हा होरें जम्मू डिवीजन दी सुरक्षा स्थिति बारक उच्च सतह दी समीक्षा बैठक दी अध्यक्षता कीती। पुलस गी आतंकवाद गी कुचलने आस्तै प्रयासं च तेजी आन्नने दे निर्देश दित्ते।
3. उपराज्यपाल मनोज सिन्हा होरें जश्प-ए-जम्मू कश्मीर कार्यक्रम दा उद्घाटन कीता, उनें आखेआ जे प्रशासन, कलाकारें ते उंदे परोआरें दे कल्याण आस्तै वचनबद्ध ऐ।
4. मुख्मन्त्री उमर अब्दुल्ला होरें कश्मीर च बजट शा पैहले कीते जा'रदे सलाह मशवरें गी पूरा कीता, उनें आखेआ जे लोकें दे प्रतिनिधिएं दे प्रस्ताह कैपेक्स बजट च नजरी औंगन।
5. 11 रोजा दिव्य कला मेला अज्ज कोला जम्मू च शुरू होआ'रदा ऐ।

<><><><><><>

PM US Visit(byte)

प्रधानमंत्री नरेन्द्र मोदी होरें गलाया ऐ जे भारत ते अमरीका नै 2030 ब'रे तगर दपक्खी बपार गी दुगना करी 500 अरब डॉलर करने दा फैसला कीता ऐ। उनें अज्ज वाशिंगटन डीसी च व्हाईट हाउस च अमरीकी राष्ट्रपति डोनाल्ड ट्रंप हुंदे कन्नै दपक्खी वार्ता मगरा संयुक्त संवाददाता सम्मेलन दरान एह गल्ल आक्खी। मोदी होरें आखेआ जे भारत ते अमरीका रणनीतिक साझेदारी गी अगगे बधाना जारी रखगन। उनें आखेआ जे दवै मुख्यबंशकार सैहयोग ते साझेदारीइक बेहतर विश्व दे निर्माण च कारगर साबत होई सकदी ऐ। उनें आखेआ जे दवै मुख्य रणनीतिक प्रौद्योगिकी दा इस्तेमाल करदे होई सरबंधें गी होर मजबूत करगन। मोदी होरें आखेआ जे भारत दी रक्षा तैआरिए च अमरीका महत्वपूर्ण भूमका नभांदा ऐ। रणनीतिक ते विश्व स्तरीय साझेदारी दे रूपै च दवै मुख्य संयुक्त विकास, संयुक्त उत्पादन ते प्रौद्योगिकी विकास दी दिशा च सक्रिय तौरा पर अग्रसर न। प्रधानमंत्री होरें गलाया जे राष्ट्रपति ट्रंप होरें अपने कार्यकाल दरान भारत अमरीका सरबंधे गी बढ़ावा दित्ता ऐ। प्रधानमंत्री मोदी होरें आखेआ जे भारत ते अमरीका आमंकवाद खलाफ लड़ाई च मजबूती कन्नै खड़ोते देन ते

गल्ला पर सैहमत न जे बन्ने पारा आतंकवाद गी खत्म करने आस्तै ठोस कारवाई दी लोड़ ऐ। मोदी होरें आखेआ.....बाईट

<><><><><><>

LG Security

उपराज्यपाल मनोज सिन्हा होरें कल इक उच्च सतह दी बैठक दरान जम्मू खित्ते दी सुरक्षा स्थिति दा जायजा लैता। उनें अधिकारिएं गी हिदायत कीती जे ओह आतंकवादिएं दे सफाए ते उंदे ढांचे ते उनेंगी मदद उपलब्ध करोआने आलें गी पूरी चाल्ली नष्ट करने लेई कारगर गैंह पुट्टन। उनें जोर देइयै आखेआ जे आतंकवादिएं दे सहायकें ते एहदी साजश रचने आलें खलाफ सख्त कारवाई होनी लोड़चदी। उनें स्टीक खूफिया जानकारी, आतंकवाद रोधी अभियानें ते सारी चुनौतिएं खलाफ तैआरिएं पर जोर पाया। आतंकवादिएं गी माली ते होर दूई लोड़चदी मदद उपलब्ध करोआने आलें खलाफ सख्त कारवाई दी उने उनें गल्ल कीती। उनें आखेआ डर—त्राह फैलाने आली कारवाईएं गी बी आतंकवाद आला लेखा गै समझेआ जाना लोड़चदा ते उंदे खलाफ कनून तैहत कारवाई कीती जानी लोड़चदी।

<><><><><><>श

LG Jashan JK(byte)

उपराज्यपाल मनोज सिन्हा होरें कल अभिनव थेटर जम्मू चउ जश्न—ए—जम्मू कश्मीर कार्यक्रम दा उद्घाटन कीता। इस मौके पर बोलदे होई उपराज्यपाल होरें आखेआ जे एह अहम आयोजन असेंगी अपनी समृद्ध लोक संस्कृति गी प्रदर्शित करने दा इक मौका प्रदान करदा ऐ। उनें आखेआ जे साढ़ी लोक संस्कृति राश्ट्री गौरव ते अनेकता च एकता दे आदर्श दा स्रोत ऐ। उनें विकास दे कन्नै कन्नै कला ते संस्कृति गी बी बढ़ावा देने दी गल्ल कीती। उपराज्यपाल होरें कलाकारें ते उंदे परोआरें दे कल्याण आसतै प्रशासन दी प्रतिबद्धता गी बी पक्का कीता। उनें आखेआ.....बाईट

जश्न—ए—जम्मू कश्मीर कार्यक्रम च लगभग 250 कलाकार बक्ख—बक्ख कला दी विद्याएं, लोक नृत्यें ते सांस्कृतिक अभिव्यक्तिएं गी पेश करगंन।

<><><><><><>श

Shab-e-Baraat

कल शब—ए—बरात दी कल मसीतें च खास इबादत कीती गई। इस मौके पर उपराज्यपाल मनोज सिन्हा ते मुख्मन्त्री उमर अब्दुल्ला होरें सब्बनें गी शुभकामनां दित्तियां। अपने सनेह च उपराज्यपाल होरें आखेआ हा जे एह रात सारें गी इक मौका उपलब्ध करोआंदी ऐ भगवान थमां क्षमा मंगने ते आशीवाद हासल करने दा। उनें लोकें गी आग्रह कीता जे ओह मनुखता गी अपनान ते दबोए लतड़ोए दे लोकें प्रति अपनी जिम्मेदारी गी

समझन। मुख्मन्त्री होरें शब-ए-बरात दे आध्यात्मिक महत्व पर लोह् पाई ते गलाया जे एह् रात आत्म-निरक्षण करने दे दुआ करने दी रात ऐ। मन्त्री स्कीना इत्तू ते जावेद अहमद डार होरें बी लोकें गी शुभकामनां दित्तियां ते सब्बने दी भलाई बेह्तररी दी कामना कीती।

<><><><><><>श

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 ब'रें दे बश्कार ऐ ते ओह् कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उपपर 15 फरवरी 2025 थवां पैह्ले-पैह्ले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

ते हुन बाकि दिएं खबरें कन्नै कुनाल श्रीवत्स।

<><><><><><>

CM Pre Budget(byte)

मुख्मन्त्री उमर अब्दुल्ला होरें कश्मीर च बजट थमां पैह्ले आलिए बैठकें आला सरिस्ता संपन्न करी दित्ता ऐ। उनें शोपियां, ते कुपवाड़ा जिलें दे नुमायंदे कन्नै सिविल सचिवालय श्रीनगर च बैठकां लाइयां। उनें पैह्ल दी बिनाह् पर कीते जाने आले कम्में गी तरजीह् देने लेई गलाया। विधायकें आस्सेआ ढांचागत विकास, सैलसफा गी बढ़ावा देना, फंड, शिड़कें दा दर्जा बधाना, सेहत सेवा ते नशीले पद्वार्थ दी तस्करी कन्नै निबड़ने जनेह् मामलें ते मंगें गी पुट्टेआ गेआ। उनें भरोसा दोआया जे चुने गेदे नुमायंदे आस्सेआ रखे गेदे प्रस्तावें गी कैपेक्स बजट 2025-26 च थाहर दित्ती जाग। मुख्मन्त्री होरें सब्बने लेई बरोबर ते इक्कै नेही योजनाएं प्रति सरकार दी वचनबद्धता गी दोहराया ते इस गल्ला दा भरोसा दोआया जे बजट आम लोकें दिएं जरूरतें गी पूरा करने आला होग। उनें आखेआ.....बाईट

<><><><><><>श

JK Highway

केन्द्र सरकार नै पिछले 5एं ब'रें च राष्ट्रीय जरनैली शिड़क दे विकास ते ओह्दे रखरखाव पर 29 ज्हार करोड़ रपे खर्च कीते न। केन्द्र शासत प्रदेश च इक ज्हार किलो मीटर थमां मती शिड़कें दा निर्माण कीता गेआ ऐ। आकाशवाणी जम्मू संवाददाता दी रिपोर्ट मूजब शिड़क यातायात ते राष्ट्रीय जरनैली शिड़कें सरबंधी मंत्री होरें संसद च इक सुआले दे परते च एह जानकारी दित्ती ही। केन्द्रीय मंत्री होरें जानकारी दित्ती जे केई सारी महत्वै आलियां परियोजना, जिंदे च जरनैली शिड़कें गी चऊं गडिडएं दे लंघने जोग बनाने, सुरंगें दा निर्माण शामिल ऐ। एह सब जम्मू कश्मीर च शिड़क आले ढांचे गी आधुनिक बनाने लेई कीते जा'रदे कम्में दा इक हिस्सा ऐ। उनें आखेआ जे ढांचे च निवेश करियै केन्द्रसरकार जम्मू कश्मीर च जरनैली शिड़कें दे निर्माण गी रफतार देआ'रदी ऐ। मुख ध्यान यात्रा गी सुरक्षत बनाने पर ऐ। एह्दे अलावा एह्दे कन्नै आर्थिक ते क्षेत्रीय विकास बी जकीनी बनोग।

<><><><><><>श